

## 尼西亞信經

阮信獨一全能的父上帝，創造天地，一切有看見無看見萬物的主。

阮信獨一的主耶穌基督，上帝的獨生子。

祂佇一切的世代以前對父生的，對上帝出的上帝，

對光出的光，對真神出的真神，

是生的，唔是受造的，及父同質同體。

萬物對祂來創造。

祂為著咱人及為著咱的拯救，對天降臨，對聖神借在室女馬利亞出世成做人。

在本丟彼拉多任內為咱釘十字架，受難，埋葬，

照聖經所記載第三日復活，升天，

現在坐佇父的正旁，祂欲佇榮光再臨來審判活人及死人。

祂的國無窮無盡。

阮信賞賜活命的主聖神，對父及子出，

及父子同受敬拜，同受榮光，祂曾託先知講話。

阮信一個、聖、公同、使徒的教會。

阮告白一個會得赦罪的洗禮，阮期望死人復活，來世的活命。阿們。